

Luguru - Chimuhe Ing'ondo Ghamaandiko Mahenzeluka - SW Intro Scriptures

Luka 17:5 Iwatumighwa wamlongela Imtwatsa, "Utwongetsele ukutoghola."

WaRoma 10:17 Leken i ukutoghola kwakutsa kubitila ukuhulika usenga, na usenga awo wakutsa kwa mbuli ya Kiristu.

Luka 11:1 Litsuwa limwe Yesu tsakakala hanu hamwe kolomba. Hayamalitse kulomba, imwanang'ina wake yumwe kamlongela, "Imtwatsa, utulangulitse kulomba ka Yohane pfayawalangulitse iwanang'ina wake."

1 Timoteo 2:1-4 Tanu ghendo, nobama mumlongele Imulungu chambama, mumlombe Imulungu, muwalombe iwanu wangi, na mumlongele mighede Imulungu kwaajili ye iwanu wose. 2 Tuwalombe iwandewa na wose wane uwetso, ili tukale ghoya na kwa tindiwalo na kutenda ghanoghile na kumpfuka Imulungu. 3 Agha ghanogha na ghomnoghela Imulungu Mkombotsi wetu, 4 iyobama iwanu wose wakombolighwe na wamanye kweli.

Luka 22:31 Yesu kalonga, "Simoni, Simoni, ukale meso! Setani tsakabama kuwabeta mwemwe ka uhunga.

Sakariya 3:1,2 - Yude 1:9 Hata malaika mkulu Mikaeli, hesongile na kwihisanya na Yehile kwaajili ya lukuli Iwa Musa, ng'aghetsile bae kumlongeletsela kwa kumligha, ila kalonga, "Imtwatsa mwenyegho yakukembele!"

WaEfeso 6:12 Mana ng'ondo yetu ng'atwitowa bae ne iwanu, ila twetowa ne muhe tsose tsihile itsitawala mlanga na isi ino ine ichisi cha ghehile.

WaEfeso 6:10,11 Kuya, mkale ne ngupfu mna ukwilunga ne Imtwatsa na kwa ukwapfilighwa ne ngupfu tsake ng'ulu. 11 Mkinde pfinu pfe ing'ondo pfamwing'ighwe ne Imulungu ili mdahe kwima na kupinga ukukengela kwa Setani.

WaEfeso 6:13-17 Lelo kwaajili ayo, mkinde pfinu pfose pfe ing'ondo pfamwing'ighwe ne Imulungu ili mdudumile mbaka ng'ondo haitsomala, na litsuwa lila lihile halikutsa mdahe kwima ghoya. 14 Apfo mwime ghoya, ukweli uwe ka msipi mchuno mwenu na unu unoghile ughwe ka lighwanda lya chuma lya ukwikinga mmambagha mwenu 15 na ukusulukila ukuwapetela iwanu Imbuli Inoghile ya tindiwalo kuwe ka mikwabatsa mmaghulu mwenu. 16 Matsuwa ghose, ukutoghola kuwe ka ngawo mne ghamoko ghenu, ili mdahe kuitsima misale ya ghumoto ya yula Setani. 17 Muubokele ukombotsi ka ikofia ya chuma, na longa lye Imulungu ka lipanga lyamwing'ighwa na Ghumuhe Mwenzeluka.

WaEburaniya 4:12 Kwaapfila mbuli tse Imulungu tsina ughima na ingupfu, tsotema kubita mmaghe ighutema kuno na kuno. Kuya tsakwingila mbaka

hane ghumoyo na muhe, ka limaghe ilitema mbaka mghati mwa pfilungo na ulajo, kuya tsomanya ghaikwalangula na ghaibama mimoyo ye iwanu.

Luka 4:8 Yesu kamwidika, “Yandikighwa, ‘Umtambikile Imtwatsa Imulungu wako, ne umsang'anile yeye yaliyeka!’ ”

WaEfeso 6:18 Mtende ghano ghose kwa kulomba, mumlombe Imulungu yamwapfileni. Mlombe ghamatsuwa ghose ka Ghumuhe pfayamlongotsani. Mghendelele kulomba bila kwipfa kwaajili ye iwanu we Imulungu.

1 Samweli 17:45-47 - Daudi & Goliath

Luka 10:17-20 Hambele iwanu wala sabini na weli woza wodeng'elela ng'ani, walonga, “Mtwatsa, kwa taghwa lyako tuwakembela ipfinyamkela nawo watenda ka pfatubamile kutenda!” 18 Yesu kawedika, “Nimwona Setani kaghwa ka lumwesa kulawa kulanga. 19 Mtegehetse! Niweng'ani ukulu mwemwe, apfo mwodaha kuwabajugha wanzoka ne iwainge; mtsakuwa na ukulu kwa iwehile wenu wose. Kuduhu ichinu chitsowalagha. 20 Leken i mleke kudeng'elela kwaapfila ipfinyamkela wowapfukani, i la mdeng'elele kwaapfila mataghwa ghenu ghandikighwa kulanga.”

2 WaKolinto 10:3-5 Hata ka twokala muisi, ng'atwitowa bae ka iwanu we iisi pfawetowa. 4 Kwaapfila tsisilaha tsatwitowela si tsisilaha tse iisi bae, i la ngupfu ye Imulungu iihinya boma lyose iye iwotuhila. Twotsihinya mbuli tsose tse ughutsu, 5 na kubomola chila chinu ichighoda ichikighwe kuighoma Imbuli ye Imulungu; na kutsitenda mbutsi tsose tsimtegehetse Kiristu.

2 Timoteo 1:7 Mana Imulungu ng'atwing'ile bae muhe wa kututenda tupfuke, i la muhe wa ingupfu na wa unoghelo na wa ghumoyo wa kwilongotsa wenyegho.

Matei 12:28,29 Leken i ka nolapfa pfinyamkela kwa Ghumuhe we Imulungu, mmany e ka undewa we Imulungu ma uwatsila. 29 “Kuduhu imunu yodaha kwingila mne ing'anda ye imunu yane ngupfu na kusola pfinu pfake, mbaka tanu yamwohe imunu ayo? Baho lelo katsodaha kumboka ipfinu pfake.

WaEfeso 1:13 Namwe pfipfila tsamuhulika usenga wa kweli, iyo Imbuli Inoghile iimghalilani ukombotsi, mumtoghola Kiristu, naye Imulungu kwa kulangusa ka mwemwe mwa wanu wake, kwa kwilunga na Kiristu kamwiken i chitango kwa kumwing'eni Ghumuhe Mwenzeluka ka pfayalongile ghumwande.

Ghamatendo 19:6 Pauli hayamalitse kuwekila ghamoko, Ghumuhe Mwenzeluka kawahulumkila, nawo wandusa ukulonga lugha ingi, pfipfila walonga mbuli ye Imtwatsa.

Maliki 16:15-18 Apfo kawalongela, “Mghende mne isi yose muwapetele Imbuli Inoghile wapfilumbe wose. 16 Imunu wowose iyotoghola na kubatitsighwa, katsokombolighwa, i la imunu wowose iyolema kutoghola katsohighighwa. 17 Na ipfitango pfino pfoghenda hamwe na awala iwotoghola, Kwa taghwa

**Iyangu watsolapfa ipfinyamkela, na watsolonga kwa lugha ya sambu. 18
Hata wang'akinda iwanzoka na kunwa sumu ng'awatsolaghighwa bae.
Watsowekila ghamoko ghawo iwatamu, nawo watsohona."**

**1 Yohane 1:9 Lekenit tung'amlongela nzambi tsetu Imulungu, yeye ka
wakutoghohighwa na kanogha ghamatsuwa ghose, katsotuleghusila nzambi
tsetu na kutudeghetesa mna ghose ghehile.**

**Tsaburi 109:17 - Yakobu 3:10 Mlomo wuwula wotunya na wolighita iwanu.
Ndughu tsangu agha ghaleke kulawila!**

**Judges 16:16 - 2 Petiri 2:7,8 Pfipfila Imulungu tsakamkombola Lutu, imunu
iyamnoghelese yeye, iyonile usungu kwa apfifa pfawokala pfihile iwanu
yang'awakwalangula ghamalaghitso, 8 mana imunu ayo iyamnoghelese
Imulungu tsakakala nawo, na chila litsuwa mmoyo mwake yang'ali
yoghanzika kwa kulola na kuhulika ghamatendo ghawo ghehile,**

**WaEfeso 4:26 Mng'awa na maya, mleke kutoghola maya imlongotseni mtende
nzambi, kuya mleke kukala ne maya mbaka litsuwa liswe,**

**WaRoma 14:12 Apfo lelo, chila imunu mna twetwe katsolonga mbuli tsake
imwenyegho hambele he Imulungu.**

**1 Yohane 2:23 Imunu iyomlema Imwana pfipfila komlema Aba, imunu wowose
iyomtoghola Imwana pfipfila komtoghola Aba.**

**Yohane 14:6 Yesu kamwidika, "Nene na inzila, kweli na ughima. Haduhu
imunu iyodaha kughenda kuna Aba ka ng'abitile bae kuna nene.**

**Matei 11:28-30 "Mtse kuna nene, mwemwe wose imdununzighwa ne imitsigho
mitito, na nene nitsowatenda mbwihile. 29 Msole nira yangu, mwilangulitse
kulawa kuna nene, kwaapfifa nene nihola kuya na mwenyepfale we
ghumoyo, namwe imimoyo yenu itsobwihila. 30 Kwaapfifa nira yangu
ndeke, na mtsigho ghwangu mbewe."**

**2 WaKolinto 6:2 Mana Imulungu kolonga, "Mne chipindi cha libatsi Iyangu
tsaniwahulika, mne litsuwa Iya ukukombola tsanimwapfilani."
Nowalongelani, sambu chicho chipindi cha libatsi Iye Imulungu, leloli ilo
litsuwa Iya ukukombolighwa!**

**WaRoma 10:13 Mana ghamaandiko Mahenzeluka gholonga, "Chila imunu
iyolomba kwa taghwa Iya Imtwatsa, katsokombolighwa."**

Exodus 20:5 - sin cursed to 3 & 4 generations